


Upis na studij

ZA STRANE STUDENTE/ICE



UPIS NA STUDIJ

Za strane studente/ice

2021



Prospekt Austrijske Studentske Unije
(Österreichische Hochschüler_innenschaft)
Politika, koja djeluje. **Servis**, koji pomaže.

Sadržaj

Upis na studij

1. Upis na studij u Austriji.....	9
Rokovi za upis.....	10
2. Šta možeš studirati u Austriji?	10
2.1. Podjela po bolonjskom procesu	11
Bachelor ili dodiplomski studij.....	11
Master ili diplomski studij.....	11
Doktorat ili PhD	11
2.2. Podjela na forme visokih škola.....	11
Univerzitet.....	11
Stručna visoka škola	12
Trajanje obrazovanja.....	12
Privatni univerziteti	12
2.3. Atipične forme školovanja	12
Univerzitetski kurs.....	12
Vanredni studij	13
3. Vanredni studij.....	13
4. Uslovi za upis.....	13
4.1. Uslov za upis EU državljana/ki	13
4.2. Uslov za upis ne-EU državljana/ki	14

Draga studentice, dragi studente!

Drago nam je da si se odlučio/la za studij u Austriji.

Da bi upisao/la studij u Austriji, bitno je prethodno informisati se o upisu, fanacijama, poslu, pravu na boravak itd. Mi, odjel za strane studente/ice, smo izdali četiri prospekta, kako bi ti osigurali sve bitne informacije, koje će ti olakšati prve korake u Austriji:

- » Upis na studij,*
- » Boravišno pravo,*
- » Pravo na rad i*
- » Procesno pravo u Austriji.*

Prve i važne informacije pronaći ćeš u prospektima. U slučaju da ti je potrebna dodatna pomoć ili ti nisu jasne neke informacije ili neki zakoni, stojimo ti na raspolaganju. Bez prethodno dogovorenog termina, možeš nas posjetiti u toku radnih vremena, www.oeh.ac.at/ar, također putem elektronske pošte ar@oeh.ac.at ili telefonski na broj +43/1/310 88 80 -65.

Mi nudimo i pravno savjetovanje i savjetujemo te na njemačkom, engleskom i drugim jezicima. Na kojim jezicima nudimo savjetovanje, pronaći ćeš pod www.oeh.ac.at/at

Puno uspjeha i radosti pri studiranju!

Tvoj tim iz odjela za strane studente/ice



Nada, Sabine, Johanna

Zdravo,

studentska svakodnevnica može biti mnogo kaotična i svaki novi semestar donosi nove izazove: novi plan, traženje stipendija ili pritisak od strane visokih škola. Mi, Studentska Unija Austrije, pomažemo ukoliko dođe do problema. Mi savjetujemo, pratimo i dajemo podršku, tamo gdje je neophodno – putem Skypea, telefonski, putem elektronske pošte ili lično. To podrazumijeva savjetovanje i informisanje studenata/tica vezano za studij i za svakodnevnicu putem razgovora, prospekata, mjesečnika Progress, Newsletter i naravno socijalnih medija.

Taj servis obuhvata veliki dio našeg rada i postojanja, kao predstavništva studenata/tica u Austriji. Uz to dolazi i drugi aspekt: kako bi riješili probleme, moramo agirati politički. Kao izabrano predstavništvo studenata/tica pregovaramo sa demokratskim predstavništvom na putu poboljšanja situacije studenata/tica u Austriji. Za to nam je potrebna jaka Studentska Unija koja se ne plaši reći šta zahtjeva i traži.

Politika, koja djeluje. **Servis**, koji pomaže.

Postojeća eksekutiva Studentske Unije si je za cilj dala biti još kritičnija, glasnija i prije svega vidljiva. Prospekti su samo jedan dio tog cilja.

Sabine Hanger, Johanna Gruber i Nada Taha Ali Mohamed

UPIS NA STUDIJ

1. Upis na studij u Austriji

Na sljedećih nekoliko stranica pronaći ćeš bitne informacije vezane za upis na visoke škole u Austriji. Sljedeći koraci su potrebni kako bi upisao/la studij:

1. Pronaći željeni pravac

Informacije o pravcima možeš pronaći na internet stranicama visokih škola ili pod www.studienplattform.at

Pažnja!

Neki pravci imaju prijemni ispit, gdje je registracija za ispit već u proljeće. Ispiti se vrše samo jedanput godišnje, zato je potrebno se informisati na vrijeme!

2. On-line preregistracija

On-line preregistracija vrši se putem internet stranice visoke škole. Ta registracija je potrebna kako bi visoka škola imala lične podatke kandidata/kinja i uvid u broj interesenata.

3. Zahtjev za upis na visoku školu

Na sljedećim stranicama ćeš pronaći dalje informacije. Bitna je razlika između matura iz EU i ne-EU zemalja.

4. Boravišna dozvola

Državljeni/ke EU zemalja trebaju se prijaviti „Anmeldebescheinigung“, državljani/ke ne-EU zemalja moraju zatražiti boravišnu dozvolu „Student“.

Rokovi za upis

Zahtjevi za upis na diplomске i dodiplomske studije mogu se predati najkasnije:

- » Za zimski semestar do 5. septembra
- » Za ljetni semestar do 5. februara.

Pažnja!

Zbog prijemnih ispita, neki od studijskih pravaca imaju druge rokove. U tom slučaju je bitno informisati se na vrijeme!

Pod www.studienplattform.at možeš pronaći sve informacije! Ko ne položi prijemni ispit, ne može se voditi kao student/ica.

U praksi je moguće, da zbog malog broja interesenata, prijemni ispit ne bude sproveden, ali je prijava za prijemni ispit također potrebna.

Na nekim visokim školama – kao što su Stručne visoke škole, Pedagoške visoke škole, Univerziteti za umjetnost – svi pravci imaju prijemni ispit. Na univerzitetima neki od pravaca imaju prijemni ispit, većina još ne.

Pažnja!

Svi dokumenti koji nisu na njemačkom i/ili engleskom jeziku moraju biti prevedeni i ovjereni. Od države do države ovjera dokumenata izgleda drugačije, od Apostille do potpune autentifikacije od strane Austrijske Ambasade. Ukoliko nisi siguran/na, možeš nam se obratiti.

2. Šta možeš studirati u Austriji?

Postoji nekoliko kriterija po kojima se studijski pravci dijele, tako da imamo podjelu:

- » po bolonjskom procesu
- » na forme visokih škola i
- » atipične forme školovanja.

2.1. PODJELA PO BOLONJSKOM PROCESU

Bachelor ili dodiplomski studij

Dodiplomski studij traje šest semestara (180 ECTS). Obuhvata sve ispite koji su bitni za naučno ili umjetničko obrazovanje iz tog smjera. Ispiti i njihov sadržaj nalaze se u planu tog pravca (curriculum). Ispiti se dijele na obavezne, slobodne i slobodne sa uslovima (samo oni koji se nalaze na listi curriculumuma). U toku dodiplomskog studija se pišu jedan do dva dodiplomska rada. Nakon što se polože svi ispiti i napišu radovi, studij se vodi kao završen. Na nekim pravcima je obavezna i odbrana dodiplomskog rada.

Master ili diplomski studij

Diplomski studij služi produbljenu znanja stečenog u dodiplomskom studiju. Dodiplomski studij je uslov za upis diplomskog. Diplomski studij traje četiri semestra (120 ECTS) i završava se diplomskim radom.

Diplomski studij se naziva i magistarski studij. Od uvođenja ECTS ne postoje više klasični diplomski studiji. Sa završenim diplomskim radom i odbranom istog, studij se vodi kao završen.

Doktorat ili PhD

Doktorski traje oko dvije godine. Za upis je potrebna diploma diplomskog studija. Ispiti i sadržaj je napisan u planu doktorskog studija.

2.2. PODJELA NA FORME VISOKIH ŠKOLA

U Austriji postoji razlika između univerziteta, stručnih visokih škola, pedagoških škola i privatnih univerziteta. Kako bi ti olakšali odluku, navest ćemo bitne razlike navedenih.

Univerzitet

Univerziteti su klasične forme visokih škola, koje su poznate širom svijeta. Neki pravci imaju prijemni ispit, ali je većina njih još uvijek otvorena za sve osobe sa maturom ili

sličnim. Na univerzitetu sam/a biraš svoj studentski plan (sa nekim uslovima) i tu si slobodan/na i fleksibilan/na.

Stručna visoka škola

Pedagoške škole nude obrazovanje za stručni kadar u srednjim i osnovnim školama. Pedagoške škole su jedan od načina kako steći obrazovanje za profesora/icu ili nastavnika/icu.

Trajanje obrazovanja

Studij traje šest semestara sa jednim semestrom tolerancije. Studij ne nudi toliko slobode i fleksibilnosti kao univerzitet. Srž studija je didaktičko i pedagoško obrazovanje. Pored toga se moraš odlučiti za minimalno dva predmeta koja želiš predavati. Praksa je obavezna tokom cijelog studija.

Privatni univerziteti

Kako su koncipirani i koje sadržaje nude – ne razlikuju se mnogo od državnih univerziteta. Na privatnim univerzitetima nije jasno definisan upis, potrebni dokumenti niti znanje jezika. Neki od pravaca su na engleskom jeziku. Upisni rokovi su drugačije definisani. Pored toga su troškovi puno veći nego na ostalim gore navedenim.

2.3. ATIPičNE FORME ŠKOLOVANJA

Univerzitetski kurs

Tokom univerzitetskog kursa pohađaš određenu sumu predmeta, koji su prethodno određeni. Studentski program određuje koliko kurs traje, koji su ciljevi, kako je kurs strukturiran i koji su uslovi za upis univerzitetskog kursa.

Pored toga ustanovljeni su predmeti i trajanje predmeta, te način ocjenjivanja izbornih i obaveznih predmeta. Univerzitetski kurs možeš pohađati kao redovan/na ili vanredan/na student/ica. Univerzitetski kursevi imaju propisane troškove studija i ispita.

Vanredni studij

Kao vanredan/na student/ica nije moguće završiti pravac, završnu diplomu možeš dobiti samo kao redovan/na student/ica. Ispite koje položiš kao vanredan/a student/ica mogu u toku redovnog studija biti priznati. Uslov da bi ispiti poslije bili priznati je da u toku vanrednog studija nemaš završenu maturu. Pri vanrednom studiju nije moguće braniti diplomski rad, niti rigoroz (usmeni ispit pri odbrani diplomskog rada).

3. Vanredni studij

Da bi stekla/o status vanrednog/e studenta/ice, potrebno je ispuniti sljedeće uslove:

- » za vanredni studij mogu aplicirati austrijski/e i strani/e državljani/ke. Pri tome nije potrebno posjedovati maturu. Potrebno je biti stariji od 15. godina.
- » od dokumenata je potreban pasoš ili rodni list. Pored toga potrebna je jedna biometrijska slika.
- » za prijem studenata/tica zadužene su studentske službe željenih univerziteta.

4. Uslovi za upis

4.1. USLOV ZA UPIS EU DRŽAVLJANA/KI

- » Potvrda o završenoj srednjoj školi (diploma/matura)
- » Poznavanje njemačkog jezika: osobe kojima njemački jezik nije maternji moraju dokazati poznavanje jezika pri upisu na univerzitet. U većini slučajeva je to C1 certifikat. Da li ima iznimki, možeš provjeriti direktno na univerzitetu ili internet stranici univerziteta.
- » Ako postoji prijemni ispit, potvrda o položenom prijemnom ispitu

4.2. USLOV ZA UPIS NE-EU DRŽAVLJANA/KI

- » potvrda o završenoj srednjoj školi (diploma/matura)

Matura tj. diploma mora biti priznata od visokih škola. U slučaju da se diploma ne podudara sa austrijskom maturom, rektorat univerziteta u Austriji može propisati „razliku predmeta“. Osobe koje prije upisa na redovni studij nisu položile razliku predmeta, a trebale su – imaju pravo biti primljene kao vanredni/e studenti/ce i odraditi razliku predmeta. Ta razlika predmeta se vodi pod nazivom *Ergänzungsprüfung*. Troškovi kurseva su različiti. Trenutno za Beč iznose 1160 Eura, a u Gracu su npr. 470 Eura po semestru.

- » Potvrda o studentskom mjestu ili posebna matura

Tu potvrdu dobijaš od univerziteta zemlje u kojoj si stekao/la maturu (ako je matura iz ne-EU zemlje). Ta potvrda mora biti aktuelna i vrijediti za pravac koji zeliš studirati i u Austriji. Ukoliko isti smijer ne postoji u tvojoj zemlji, moguće je steći pravo upisa na sličan univerzitet/pravac. Bitno je da u potvrdi piše: **Osoba XY ima pravo (je redovan/na student/ica) studirati na pravcu Z u godini (godina u kojoj želiš početi sa studijem u Austriji, aktuelna godina).**

- » Poznavanje njemačkog jezika

Osobe kojima njemački jezik nije maternji moraju dokazati poznavanje jezika pri upisu na univerzitet. Da bi uopšte stekao/la pravo na konkurs potrebno je imati minimalno A2 certifikat njemačkog jezika. Ukoliko želiš početi sa redovnim studijama – onda ti je potreban C1 nivo. U slučaju da imaš samo A2 certifikat, onda ćete univerzitet prethodno poslati na vanredne kurseve u sklopu „Vorstudienlehrgang“. U tom slučaju si dužan/na polagati certifikat isključivo u sklopu *Vorstudienlehrgang* tj. EPD certifikat. Ukoliko si upisan/a na *Vorstudienlehrgang* nemaš pravo naknadno dostaviti neku drugu diplomu tj. certifikat jezika. Ponekad (na univerzitetima za umjetnost) dolazi do iznimki, informiši se na vrijeme!

- » Prijemni ispit

Ako pravac ima prijemni ispit, onda se isti mora položiti u Austriji, primjer su medicina i umjetnički pravci.

Pažnja!

Bez položenog prijemnog ispita, nije moguć upis. Pored toga je za neke pravce potreban i položen njemački jezik. Ponekad je iz taktičnih razloga bolje pored studija koji ima prijemni ispit, upisati i studij koji ga nema. U slučaju da ne položiš prijemni ispit, možeš zadržati status studenta/ice na pravcu koji nema prijemni ispit, da bi sljedeće godine mogao/la izići na prijemni ispit, bez gubitka prava na boravak. Ova varijanta pogađa studente/ice sa državljanstvom trećih zemalja.

Pažnja!

Na univerzitetima za umjetnost i na stručnim visokim školama (Fachhochschulen) vrijede drugačija pravila. Prijemni ispit se radi za sve pravce, ali ti za to nije potrebna potvrda o upisu iz matične zemlje. Na stručnim visokim školama ti je potreban certifikat znanja jezika na B2/C1 nivou prije nego što apliciraš za studij (nije moguće prethodno pohađati kurseve jezika). U slučaju daljih pitanja, slobodno nam se obrati. Sljedeće grupe osoba ne moraju dostaviti potvrdu da imaju pravo studija i u zemlji gdje su stekli maturu. Njihova se opća matura vodi kao austrijska. Za takve osobe važi, da pored mature (diplome o završenoj srednjoj školi), dostave potvrdu da pripadaju određenoj grupi osoba (njem. Personengruppen). Ukoliko se pronađeš u nekoj od navedenih grupa, nije ti potrebna potvrda da imaš pravo studija i u zemlje gdje si stekao/la maturu:

- » *Osobe koje pod uslovom bilateralnog ili nekog drugog sporazuma u Austriji imaju privilegije i imunitet, kao i osobe koje su pri sticanju mature, u ime države Austrije, boravile u inostranstvu i u toj zemlji imale privilegije i imunitet, kao i braćni partneri/ke i djeca istih.*
- » *U Austriji akreditirani i zaposleni novinari/ke kao i partneri/ke i djeca istih.*
- » *Osobe koje samostalno pet godina borave na teritoriji Austrije prije podnošenja zahtjeva za upis. Pored toga moraju imati stalni i primarni boravak u Austriji ili da jedan/na od staratelja/ki ispunjava navedene uslove.*
- » *Osobe stipendisti neke austrijske regionalne korporacije ili osobe koje imaju stipendiju iz nekog bilateralnog sporazuma.*
- » *Osobe koje posjeduju maturu neke austrijske škole u inostranstvu, koje ispunjavaju pravilnik §§ 3, 8, 13 ili 75 stavak 5 i 6 Azilnog prava 2005 BGBl. I Nr. 100/2005 u postojećoj verziji ili prijašnjim pravima o azilu.*
- » *Osobe koje posjeduju njemačku ili ladinsku maturu jedne sekundarne južno-tirolske škole, ukoliko već nije dobio/la italijansku maturu (diplomu završene srednje škole).*



Otisak

Vlasnica medija, izdavačica i urednica: Österreichische Hochschüler_innenschaft,
Taubstummengasse 7-9, 1040 Wien

Redakcija: Referat für Sozialpolitik

Koordinacija: Referat für Öffentlichkeitsarbeit

Ilustracija: Ari Ban / Instagram: ari_ban

Grafički dizajn i slaganje slova: manki graphic design: Magdalena Langmayr / magdalena@manki.at

Proizvodnja: Leykam Druck GmbH @ Co KG, 7201 Neudörfel

Mesto i datum izdavanja: Wien, Verlagspostamt 1040 Wien / Februar 2021

Urednička i izdavačka adresa: Taubstummengasse 7-9, 1040 Wien

Ova brošura odražava trenutnu pravnu situaciju od 1. Februara 2021. godine. Treba napomenuti da uprkos pažljivoj obradi, svi podaci se pružaju bez garancije i izdavačica ili tim autora ne preuzimaju nikakvu odgovornost.



Help line

01/585 33 33

Beratungszeiten:

mo 15-18, mi 16-18, do 16-18

